

范德機詩集綱目



卷之一
卷之二

五言古體

卷之三

五言絕句
五言律詩

卷之四

卷之五

七言古體

卷之六

七言絕句

卷之七

七言律詩

至元庚辰良月

益友書堂新刊

綱目畢



范德機詩集卷之一



臨川葛維

儒學學正孫存吾

仲稷

編次
如山 校刊

五言古詩

送張鍊師歸武當山

張君瀛洲人來作武當客始來武當時祇着謝公屐
弟子百數輩稍稍來服役誅茅立萬柱空中現金碧
辛苦三十年夜卧不側席以之律鬼神故亦如矩墨
元年踰冬早朱火燒四國野谷方焦熬六月畿甸赤
朝廷亦不愛犧牲與圭璧僵巫豎億史歌舞無消息

君時待詔來公卿初不識一朝傳天語問以濟旱策
君云臣鄙愚造化非所測陰陽有開閉此實智者責
公卿復致辭物生孔今棘已勅京兆尹取足輸粟帛
此如解倒懸祀事惟所擇君聞猶固讓心實內憂惕
飛章白玉闕瀝膽殫悃幅臣寔才淺拙臣實學迹塞
臣有一寸心願輔后皇德后皇本愛民民今旱為厄
或者罪有由皇亦重開釋祈謝各有方呪禁各有式
上堂薦明水下堂考金石夜分請命既昧爽大施設
為壇東市門經紀法靈冊庭中玄武旗飄飄墨黍黑
君臨一揮手怒髮上霄直指揮東方龍卷水東海側
指揮西方龍卷水略西極北南暨中央各以方率職

某日某甲子漏下五十刻我在壇上伺不得忤區畫
豐隆與飛廉列缺與辟歷汝將汝風馳汝遣汝雷擊
汝雲馮勿滴汝雨必三尺汝不從誓言不畏上帝勅
至期果響奮動蕩七日澤常時人所難君若不以力
公卿奏天子是必有褒錫可以寵號名可以蕃服襦
君曰天子聖卿澆誠所格臣敢貪天功况在歸計迫
昨得山中書至自青溪宅向來百弟子遲歸在朝夕
暉時冬序半霜下木葉積明當課斬伐結構西巖壁
山田晚報熟芝朮及採摘獠猿長如人夜夜盜柿栗
隄防苟不豫六氣盡蟲賊公家事既已私事容棄擲
方知用世士遺世等糠粃所過如虛空焉知去留迹

我持一瓢酒欲以贈遠色歲暮不見君悵望空中翻
奉同元學士以落月滿屋梁猶疑照顏色
為韻賦贈鄧提舉之官江浙一首

青天青如石星辰何磊落適見北斗高忽復滯郊郭
感此流電驚行邁孰為樂况值杪春令清商動涼幕
芳宴候朋親驅車背河朔登高望四野下田畢新穫
於時不同賞惆悵睇雲岳古人有云然末契重交託
託契自有初相晞在結髮請持交龍鏡比似空際月
昔月三五盈今夜三五缺月盈自有時俟君采薇蕨
采薇涉崇岡空筐不易滿季女懷朝飢日下光纂纂
豈無機杼思十旬義一澣含淒就經緯意長絲緒短

路逢相識親要入鮫人館泣下仍成珠更苦哀歌緩
緩歌浮雲停急歌流水促水流亦有宗雲散復成族
踽踽行路子離居振羣肅會合寧無期載感時運速
晨風懷莞林玄鳥辭華屋明發念飛蓬秋聲浙江曲
浙河名山水在昔最餘杭浩浩海負區地絕川無梁
執玉夸禹會帶甲吳疆慨彼仁義都風俗殊興亡
未代綴繇會周衢涕絲簧聞之虛廟閔斷兩生蛩蟹
幸及九域一四民樂時康游歷須慎重勿用多殞傷
矧茲握新命出布堯文章雖當日月遠足昭雲漢光
淒其金氣厲嘉寔方斂藏楊柳卧木浦蒹葭委嚴霜
物情各有歸我獨不得將仰視雲中鴈肅肅俱南翔

雲鴈明天中回首顧齊州沙嶼重繇互竟復少遲留
欲知鳴鴈心黍稻非終謀視彼羣飛者矢心良不猶
不猶將謂何豈復不如茲明年擇聖蹈既往無復疑
譬之馵蹄駒昂藏養雲姿下乘歲百駕逸足誠歸誰
伯樂偶並世當受知者知長鳴待儔侶首路復安之
所之在東南斷水列風嶠至人遺吏隱出處惠無妙
干莫居匣中千逸神耀一朝持入手未言心相照照
之千里外如在只尺間明夜夢見君怡怡越河關惜
去不須更念來亦循環古時岐路人何用涕潸潸景
巖草木斷帟豹啼空山方冰先春水野飯維清灣買
觴斯魚鮮甫謝金鑿班此行竟遂媿亦慰親友顏天

日掃煙岫日夕飛禽還山中桂樹多庶為故人攀攀
花貽遠道詢美道中艱苦復無相忘報之雙白壁美
人如夫容隔浦無相識舊交日以違新交當日得各
自有殷勤初不在容色俯水愧游鱗仰空慚飛翼眷
言執手地歲暮霜霰迫踟躕淩踟躕悽惻重悽惻

寄謝周文學

周子雅孝友聲價動江隅有德斯有言新詩敷道腴
示余以詠嘆累日不知劬雅亡風亦衰賴爾亦區區
與子初識面青春滿洪都別來二十年王事勞馳驅
山澤念耆舊風塵揚鬢鬚烏知離憂中乃得此長娛
公園橘柚寒驥鳴感脩途發音詠隆施重見能來無

贈馮鍊師歸岳陽

王子吹笙侶精神如九秋
暨携碧山屐邀歡帝王州
江湖未識面寄語旋鳴駿
夏雲逼幽澗春鳥啼芳洲
行色當及春景氣適惠柔
眷眷將歸客勝日懷林丘
何時謝燕闕亦得西南游
洞庭木葉下期爾岳陽樓

贈學正洙扶襯歸真定

朔風吹急水哀鴈繞天鳴
送子川路遠浩蕩扶神旌
少年挾高藝求仕入皇京
祖父通籍家蟬聯及弟兄
奈何抱長痛鞠此霜霰情
伯氏江外居心殫慈母驚
奉命持衰來留連鎮陽城
會言襄祔事各復東西行
生養死當葬若為好爵嬰
最子泣血日寡言收視營

尚愛千金軀以保百代貞

次韻古體二首

偶為淳朴語即有熙夷風
在世能勿忤聊以古為同
大巧三代人所拙辨偽工
曲哉末學士妄擬述作功
至性苟能盡焉得推盛隆
先師予狂狷益憤失所中
於時得依歸敢嘆吾道窮

聖道缺已久文不充其資
自從夏殷來因革當從誰
中更鳴鳥聞載嘆德之衰
寥寥大師樂復得存邴猗
大音苟有託不必稽其辭
設有盈樽酒日夕斟酌之
樂杯當在手自今不復疑
胡為不復疑賢者當明知

和胡椽

三違江海春再見歲將夕開軒觴微風忽近載陽節
鳥鳴氣適和晨鵲亦稍集逮歡不猶今萬事已逾昔
緬懷命世士其為知所役翻知不賢名可足濟身策
而我拙自藏流動日月積達觀良有餘仁者造其極
播美明珠篇時草當更碧

貽李述魯編脩

悲風動日夜游子絕河山一別十年流四方幾時還
憶子旅江外過余撫林籓曉色竹晻靄春容杏闌珊
陽坡鳴赤鷄陰館來白鷗文義相剖析宴歌亦循環
吳星逐夢變楚月帶愁彎自來燕薊中相望漢沔間
初傳教下郡或道釣清灣起居雖未悉聲聞已難攀

明聖御八極震驚折羣奸登賢彌制斷進士嚴刊刪
倒澤起游詠搜空集翻剝斯時麟見郊絕世驥在閑
豈期脫布衣復得聯朝班始疑迹異方卒見意俱閒
惟此冰雪壺近當雲霧闕紀載竹帛藏潤色絲綸頒
儲才藏地闕抽思刮天慳固當讓俊逸焉得委踈頑
物化豈堪玩仙栖庶可扳寤寐在靈嶽徬徨愧塵寰
碧草蒙澗沚青霞冠雲鬢長生願不負竟往事無艱
常聞羽人言頗落俗士頑早伐九節杖倚之聽潺湲
蒙恩供奉翰林未行改佐閩幕自豐城便
道取疾絲撫過盱與郡守薩侯會約尋麻
源不果明日別盱

整遠雲霞觀却希山水音珠星聯極下碧月動江潯
始集寶氣亭復趨金晶岑馬飲樹連澗猿啼風滿林
楊瀾思汗漫睇領寫嶽峯輟棹更垂釣推書時弄琴
石門生夕景麻源籠曉陰是那遇賢守佳致契幽尋
尊俎迫清好絃歌彰古心郡中宜鳳集泓下或龍吟
頗愧塵務逼還為旅病侵一行混吏軌千載負國琛
即往事莫究于茲念方深姑山如有意遂許一登臨

上巳日文宣王廟陪祀畢歸西館作奉貽
儒宮諸同志

禮殿肅春薦齋居清曙鍾斜街星斗轉阿閣霧煙重
久去金華直整依赤社封非才需教育希世念遭逢

休風洩洙泗治日舒黃農深恩曷效報彝典幸追蹤
粲粲金石列鏘鏘珂珮從飲福嬰多疾高卧對千峰

昨夜書懷將行且書且賦因成十二韻

鉅海截上國危星轉清旻去來抵二極俛仰適周晨
往鵬無遺影潛魚有縱鱗勁風山葉碎濃露草根勻
卓彼趙李輩鬱為唐宋臣忤息非棄置知命有高屯
妙句鏗金石荒臺蔓蒸薪憑高重回首懷古獨傷神
記別玉堂夜來尋丹竈春常恐學仙侶亦猶辟世民
蓬萊雖異鴈即此是通津

上牛頭石望海

人謂此石險我言茲境佳日魚山氣動雷與浪聲偕

平浦煙浩渺高林雨參差游魚依碧澗飛鳥却丹崖
飲濁逞孤坐乘危費亂排稍知舒磊隗初不近排諧
玄圃知何許蓬萊在所懷將尋白雲侶高處結茅齋

重五日至西峽渡解后閩帥王侯盛祿山
川之壯余謂可以為知矣亦復有賦渡

近方山之下

繫馬西峽間朝曦射厓赤城中見方山江上成亂石
緣流感重險攬勢得鉅敵不有歌詠懷徒困馳驟役
因之竊歎歎美哉此嘆息尊醕清委住槃荔朱新摘
紛龐異方俗卓犖同門客去去無久留薰風蕩南國

送樵隱侍親之濟南

春晚川陸靜日高風雨收班衣隨授節畫鼓送行舟
未知會面期寧識離思憂崇旌殿歸鴈柔櫓奮鳴鷗
遠去違四美幽尋考三周芟荷生歷下煙浪際吳頭
設有來魚使因之寄舊游

西巖夜宿懷雷州幕府同僚

月出萬籟靜叢宿紫烟深解后逢清景飄蕭澄素襟
久辭蓬萊苑復憶嵩高岑掃雪待白鵠凌霄看翠禽
如何較竒賞而此事幽尋雖負簡書畏還希金玉音
迳暗泉移澗風疏星滿林願持千里意空外寫瑤琴

奉同陳應舉月夜齋宿玉堂有賦五首

崇館肅玄闕虛扉敞彤碧詞林何蒼蒼國器皆奕奕

顧惟樸樾材，謬忝文字役。嘗僚負簡陋，祇事深跡。踏
於烏巖明亭，况復在今夕。奉禮慙明信，歛誠資宴歇。風露洒九天，星辰逼凌闕。
屏聽非效聰，規行殊改削。春容啟華萼，宵影動林樾。思君空中雲，惠我席間月。
幅員施廣圖，輪魄昭晬像。三后猶照臨，萬代極瞻仰。寶之在禁密，本以肅靈爽。豈伊程苾芬，遂爾通盼矚。
洞洞乎其忠，洋洋如在上。塞直慕南董，良明憲夔臯。孰為非我事，相命湏其曹。
被褐騫寒素，奉璋參俊髦。王戡載簡冊，臣職放牲牢。忠敬道無二，笑談誼彌高。

燭暗曙鍾遠，詩成春漏沉。古苔見隱約，幽檜響蕭森。
白雪留寒色，青雲延夙心。在闕諒當補，唯賢庶可欽。
願逐西蟾影，長栖丹鳳林。

袁州謁韓祠已宜春臺晚眺

乘月泛脩渚，凌晨訪崇臺。曾甍匝地起，疊觀凌雲開。
時須炎夏首，斗柄從南迴。四周翠嶽出，六合清風來。
王明猶日月，憲令若風雷。惠澤綠郊樹，陳蹤蒼澗苔。
鼓鐘代寂寞，輪軫路徘徊。聞茲守郡者，自昔何雄哉。
百鳥見孤鳳，衆星嚴三台。吏負鈞石寄，法已豪分談。
云胡會臨眺，遠揖謝英才。

八月十九日城東辟喧孤坐書懷

始生值高秋久客感流年
曠茲琳宇闕瞰彼滄海壖
霧畜朝雨洩雲汎暑風還
避人非絕俗淹病寔妨賢
昉膺良辰會適使中情宣
靜能驅百慮生已慕孤騫
焚香礼碧草種玉思藍田
焉得青鳥使馳歸王母邊

留贈黃明府

黃甫古傲使而多清白
心屈身試下位載道發清音
洗刷邑弊陋宣暢民滯滯
荒村無吠犬秀隴有鳴禽
淵明不醉酒子賤自彈琴
未必盡師古何曾整渝今
裁詩俯碧澗煮藥玩虛岑
清眠消白晝高視抵黃金
我本江海人常聯桑梓陰
携持粵山酒寤寐朔城砧
鴻鵠歲月晚鯤鯨烟浪深
還為異鄉別舉手一沾襟

繇海昏入武寧道中

登高勢欲墜踰險心始領
戒想適其恒經過何由騁
洩雲行崦杉雲落浥澗茗
玄蟬振山淒皓鷺團沙整
久盼歸舟近况懷垂釣永
豈不畏岩程無因攬流景
烟霞蘊至樂歲月啓深省
百丈有幽期眷茲心耿耿

過梅尉祠下

梅尉清萬古許令騰八埏
能官不必高高者廼其賢
真材儲世用遺蛻或如蟬
嘗疑說者謬何獨今不然
斯人井竈處往往在林泉
還丹誠可學但恐難為傳
七月初二夜洪州對月懷
伯丈親舍

初秋公府肅明月到南軒
開懷納清輝林影類溪園

偶得塵氣靜萬籟此中存物生感氣機候蟲噪四垣
心虛無所入起坐復何言猶云不如鴈飛逝抵高原

和廉將軍邨居二章

居止簡物競頗受歲月侵誠願輸崑崙遐舉遺浮沉
時冬萬物斂野迥景載陰雉鳴穡在場烟火邨巷深
兒女戲我前有酒聊自斟自斟何足貴得飲勝千金
聖哲去已遠六籍傳其心受生敢不愛發憤攄長吟
念世居難終忘世亦易度今旦庭樹落空明見飛雨
沉痾從誰解采草時自炷萬里無一歸願得妙者悟
寥寥宇宙間舍此復奚慕

九日報熊敬輿

羸疾卧江滸承君尉高秋木落鴈階淨天朗氣暄柔
便了晨光中授我雙螭蚌呼童敬薦之風味宜南州
憶昔客燕薊白雲從方舟於時見此物千錢三十頭
打黃試新羹爛醉天市樓一日食一百更為明旦謀
三日困暴六傳笑諸公侯此邦試罕見初出愈難求
矧當浮更日傾道俗如流厚價得兩螯持之比琳球
物有少為貴感事重綢繆奈何雷同者政復多優游
欲折黃金花報君向滄洲此花苦未發少待歲寒酬

贈安西王提舉別

車轂何軋軋我去亦翩翩借問車中人幾時到秦川
秦疆數千里西與雲棧連行人秣過烏猿啼上青天

長安古帝州宅土腴不偏聞君會平昔宦游抵晏眠
十齡涉文史十五懷家羶二十學壯游五十綴朝聯
奉常老掌故今已二十年功業晚何就蕭蕭髮垂肩
天子念逢掖錫官頗靜便紫衣綰墨綬此是車中緣
飄飄上都門白馬錦連乾舉按招青山孟光老猶賢
大兒坐車軒小兒調馬鞭中兒又絕好國語荷珠圓
旦夕俟君至買舍清渭壩此皆足尉意日食官俸錢
俸錢足養親親自有益田人生慕富貴富貴翻受憐
不有鍾鼎食亦無膏火煎前日三市事目擊心凜然
當時氣凌人不得呵烏鳶觀君浩蕩去萬事當棄捐
孔子不西行及河軌再旋今君涉河流西路方縣縣

終南與嵩華是中多神仙仙掌出浮雲上有三峯蓮
真人玉拄杖掛在明月弦便當往遊之吸月升太玄
金鼎交龍帟使我神貌堅奈何二三月百憂集離筵
空花如錦機野色相交鮮楊花亂愁思萬條散青煙
我不酌美酒敬讓故人先推碎琥珀杯獨洒春風前
春風澹無言徒以別慮牽別亦無所慮所慮應當宣
願及相思時中腸鬱纏為吹雙紫燕銜書到君邊
矯矯蕭徵君珠貝藏龍淵一別如列星隨天夜移躔
鳳有五色瑞時下岐山巔請君問起居歸來定何年

宿夏庄

陰晴知何如開戶月滿地主家種長榆竟夕薰風至

半生朝市蹤頗負山林意及茲登覽亦復纏世累
棘籬臨大道嘶馬啜童穉衆卧復離披躊躇獨無寐
江山轉寥落星斗亦連綴丈夫十載間豈獨鉛槧事

夏日奉酬汪使君

浮雲無時停浮雲有時停停雲在何方乃值初雨星
我亦毒炎伏歡言酒盈甌解帶斟酌之醉已萬慮輕
飄飄翼長風便欲東南征林壑益青天上與霞霧爭
安得徑至此念之觸中情使君新詩來陳義富且精
私慙應涉淺如畜不充羸忘已量須進茲乃聖所營
冰然內熱解始識道非名

贈方永升往教重慶路

汲水得明月倒影上青天客行三十年未識蜀月圓
中宵夢巴蜀秣馬辭燕服成都雖云遠未到意已足
遠意不可期宿夕宛見之雲迷飛鳥道雨急卧龍祠
干戈何草草祗說渝州好但得渝州官甘就渝州老
渝州古雄城彭君舊建旌至今江石上猶有古時名
豪傑世已矣空城俯流水復有江東人來教渝州士
方侯天機深大雅託遺音沈潛萬夫敵脫略五湖心
翩然別我往長揖仙人掌疾風吹大旗落日明斜舫
即此少相知相知長限思巫山桂樹發折寄定何時

冬至日

冬陰已解剥天運旋其初晨興理書策眎望周太虛

纖雲無凝停旭景亦已舒未知太史家偵言復何如
古來聖明世不必徵其餘和氣乃致祥斯語端不疏
太田黍稻滋秋事在蓄畬誓將理歸楫臨江卜吾廬

天冠山

江東有天冠山翠鬱嵯峨浮嵐衍縣郭鳥啼若笙歌
古來有真人學仙雲岩阿丹成脫之去晞髮臨咸池
年深化為石石色切星河至今剗風吹梁柱不偏頗
羽人室其下馱見頂婆婆娑朝陽夏影縮秋月夜陰多
吾欲救五丁掇之超滄波東掛扶桑枝此心諒匪它
弘彼日月光不可將如何天寒歲又晏雲露滴煙蘿

送吳真人持詔寧親

垂楊十二門旦旦羅鳴騶千騎萬騎中孰是違世
美哉吳夫子脫洒住丹丘氣涵羣象動思與萬物周
天馬出名駒逸態橫九州自從下地走但飲星河流
明月落中江倒影射斗牛飄然持玉節去犯蒼山稠
紫鳳把細華逶迤仙岩陬遂經三茅岑已登閣峰頭
還家拜封君玉冊珊瑚鉤笑問遊子衣不獨五色優
門縣朱雀旂於坐擁金明裘開筵浥芳醴炮觴進庶羞
承顏開淋訓慰爾道路脩爾歸奉天子萬歲更千秋
番君大國壽賀老清湖愁煙水三萬頃宮袍在扁舟
荷花合古渡此處不夷猶雲錦雙鴛鴦悠悠越汀洲
東風長年來揚我闌檻幽白馬絡金羈奈此甚盛休

儂家閣峯下霞竹敷稻疇鶴集偃松雪青雲互綢繆
自從干戈餘川岳秋蕭騷骨肉倚四海風雲擾吟謳
聞君復此去浩蕩懷今游罷酒黃鸝鳴高華艷城樓
良辰難能別嘉會易為酬至樂夫子行子行無滯留

贈揭景哲茂才別

司揭本楚官子孫以官氏揭陽漢建侯氏寔出於史
同源而異流流各昧其源泛舟在中河安得窮崑崙
驅馬燕山市路逢子揭子為我述其先本自司揭始
及乎盱徒洪著與揭陽通以茲究其源頻海而南東
南東煙濤惡將身犯蛟鱓遠拜故侯墳遺蹤尚如昨
歸來見翰林贈以雙南金集賢亦敬嘆高文留賞音

二公天下士子亦庭階美胡不攬家氈黃朱耀閭里
九萬扶搖風相者尚轉蓬高楼有橫笛送鴈上長空

贈李端朝別

驅馬別舊故舟楫麗城隅欲復少款叙子云不可須
哀笳激長雲羣飛滅霄衢孟冬猶溫風鄉此川途迂
賢良策上第再命出南區沉沉大藩府勤事以馳趨
幸接江湖歡豈期流次殊一朝遂西東何以慰踟躕
高霞映列嶽寧不眷名都解組翕清譽在德由豐輸
要當給餘用初終保瑾瑜

散步還南軒

幸自塵鞅絕起游欲何之江遠夕氣澄開軒納新詩

莎雞振陽砌，蠨蛸結陰地。珊珊脩木靜，宛宛好風遲。
桃李競秋園，旋隨時草萎。寧不悅生植，肅殺乃其宜。
於斯見發育，及深霜露思。嵇康本達節，竟受薄俗嗤。
快哉東方生，嘲哈得吾師。

市汊水驛候邑吏不至北亭書懷

端坐息萬慮，於此道心存。江沱歸鴈集，楊柳落柴門。
刻符期邑吏，日晏已成昏。相望不百里，曾莫思崩奔。
以為公家須，緩急義所敦。嘗抱慢令戒，空復嬰憂煩。
藩羊蹂嘉蔬，頗傷主者恩。雖非四鄰物，祛除奚討論。
小橋通北亭，澗涸青煙繚。未明復來日，慙得辟塵喧。
塵喧不足辟，班馬在正樊。遠想高堂君，逝將反中園。

發富州

鴛拙謬承乏，巡游至茲邦。登危始出幽，歷覽見長江。
不與夷曠會，烏得壯心降。力小而任重，民憂正紛龐。
斯須舉隱憑，顏俗何由扛。初下豐水舡，爽氣夕浮窗。
柔櫓奏長風，中流鳴鶴雙。景晏川色淨，巖際縣漁舡。
行止欽聖則，胡能守株椿。

寄劉椽

住與魏盧亘，談君在直廬。會時春月和，省事重踟躕。
聞子大夫椽，廉厲久猶初。羈孤限馳驅，不能枉尺書。
建康古名都，自昔帝王居。陳迹今具在，斯人定何如。
清吟足度日，羹飯可無魚。勿論爵祿事，於此自有餘。

廟堂議賢寶匱美常安舒我我惠文冠四海將誰譽

嘉澤

嘉澤徧羣物山郭餘寒收日臨公館靜聊足散優游
古松含晚秀春桂吐新柔樹巖鳥語和苔送蚓行周
念彼農畝士生涯託岩幽雖無豈第賢亦免曠瘵憂
而我委素業布衣以教游謬通金閨籍一志旅荒陬
還歸吏鄉部胡寧心不休深承采菲意終負伐檀羞
庭闈適江外何時泝扁舟誰能違天命且復盡人謀

度澤過關山

單車度大澤有似游梁山初飛鴈鶩徒辱在葭葦間
季冬陰風盛雨霰紛珊珊念我離大府行役何時還

朝臨昌邑浦夕指番易灣衝泥赴農村老屋夜不闕
然薪設供帳風味猶百蠻蒸烘濕衣裳徒御相回環
極知道路難尤念奔走難傳餐逮明燭飢渴未容怪
春和理稅駕且以慰衰顏

古干將

爰爰古干將經世不再見豐城匣已空龍亦久當變
百怪日夜出思爾一斷剗裝佩美紛紛不尔真百鍊
又恐百恠飛翻著它人身麒麟或失所魍魎氣益神
不如且深藏慎勿干星辰我歌干將行庶為君子陳

須句曲

朝望須句曲青靛被原野牛馬何茫茫盡在大隄下

隄高容可隱河水隄上流
年去復年來青蒲送行舟
借問行舟裏誰是回鄉客
燕趙與東吳
憧憧競晨夕
山中有老人白髮不可量自
不緣年壽何因爾許長

沂漳水有懷在京二三子

晨發宜姑渚迤邐沂黃流
天清鉦鼓和檣櫓隨川浮
南征卜利涉陽畧適三周
野花明遠川時鳥詠芳洲
麥苗已含秀蘆笋亦吐柔
一行被明命豈不職思憂
時物已具變未得吾行休
眷眷二三子秉德聿宣猶
密高諒能泚大業非人謀
惡乎報終令庶以畚山丘

鵲來巢

靈鵲空中至栖我庭樹枝
樹高不尋丈下有弄丸兒

朝騎庭樹府莫仰樹巢窺
寄巢欲生子值此將焉為
是以舍巢去拮据忍如遺
青天覆上林何息非所宜
物情非有異念亦願其危
倘逢愛護者鵲有復來時
鵲巖但報喜說似主人知

盧鴻

在昔有志士隱居嵩高峰
行義架四海矯若人中龍
天子念治具詔書訪孤蹤
既來亦竟往去就何從容
架巖結茅堂虛砌蘿蕪封
身雖草土間道為世所宗
攀磴采石華引手接雲松
朗揖謝污瀆長笑紫煙重
不能諧聖君豈徒愧萬鍾
安得起斯人千載已相從
和畚楊茂才

始我南山居與子共朝夕服事子尊君德義藹宿昔
焉知二十載萬變如頃刻漁釣負平生浩蕩隨所適
進慙負官義退愧尋幽迹而此山水間時勤問消息
夜深欵巖扃蘿月在屋翼清言溢前聞子學日有力
世好將未忘相資庶有得

春鴈

蒼蒼九春鴈整列鄉天端雖念洲渚幽已違霜雪寒
羣行旅陽土亦為稻梁難嗟食曾未充知時詎能安
銜蘆領孤雛蕭蕭理羽翰明年還當賓勿與中路歎

范德機詩集卷之二

范德機詩集卷之二

五言古詩

韓山曲

韓山白雲下遙見翠竹祠其祠何代人云是宋君時
里中有周氏子孝母深慈所以樂慈母不吝千金資
為毋築別館白帶好園池毋曰我暇日臨眺良歡怡
夾山為壽藏死汝莖於斯及死如毋言攀恨無窮期
即館奉毋容洒淚松柏枝至今空澗阿幽鳥鳴散悲
故老更為語毋訓猶父師子亡孫已貴孫復昌書詩
紫衣要黃金入侍白玉墀間歲万里至展省甚光儀

流水莫自急浮雲有餘思誰能和此曲為繼棘荆辭

二杏 甲寅

北鄰杏一株身作龍盤拿直上青天中虛空高結花
南隣杏更好枝幹相交加三月二月時匝地堆紅霞
自我來京城寄居諸公家其地僻自阻茂樹繞牕紗
亦有桃與李盛節爭豪華雖富無可人紛紛亂如麻
晚遇此二杏突兀超塵沙嘗時好客來立旆遙咨嗟
欲去復顧戀往往至日斜我昔詞館直羸馬道路賒
晨往昏黑歸无由領其嘉今我已投散終日猶枯查
朝暮出見之百匝虛簷牙而我又將去何由報繁葩
誓將適南郡辟地江之涯種此一万樹漫漫被荒遐

花成實給食收拾歲盈車此事亦易集但恐君疑誇

贈別白忻州

昔年上都門送君作太守今年太守來失喜狂欲走
問知郡中治稱寬不容口彊欲對酒哥愁引杯去手
古來選郡監本為奸慝糾豈宜肆其私鍛鍊易妍醜
幸逢賢執法白日雲霧剖快馬歸并汾且以慰慈母
失身洛州縣茲事无不有君子善奉持允百湫爾後
排難與解紛吾愧魯連友明年江之南得寄消息否

檢校菊吟

百花已爛熳虐雨更及晨疾風吹青空好日麗芳鄰
自知園居僻少與繁會親編籥種黃菊元不計秋春

昨朝新芽吐大葉已輪囷軒昂各有意未謂非其神
故廬陵雲下苦壤多荆榛孤芳久不見貫酒問遠人

雨後山莊圖

川容麗過兩百谷會新流溪路凌高轉佳木鳥鳴幽
我田橫岫下黍稷歲可收不謂有生意乃復見將秋
時從野老飲歡語載道周宇宙无終極此外更何求
道靈巖峽宿吳都人家

野飯寄峽寺重過已三秋雖若涉降險頗懼臨眺幽
風翻白練帶樹響黃粟留舊宅有主人无復識先猷
向者之名園老木陰相繆青山入坐席白水抱門流
自傾雞黍載感古心悠悠

谷口散暑

谷口月未上漁火出橫塘門前面稻畦鼃黽襍風篁
童非弄山墅今茲白髮長新歸稍結構日俟江海涼
琴書散衡宇藥物布滿床謝告未緣衰以疾不得將
維時仲夏半織女當西堂常恐梧樹落莎雞戒衣裳
平生荷耒志經歲失豐穰此行庶無負海内膺時康

登石城驛亭

南游未是謫北行不當歸今旦能崇岡飄飄風吹衣
姑我在京時隻關凝秋暉別來守窮海故國音書稀
窈祿滋媿負何時覩柴扉胡不依白日去即能如飛
驛樓俯平川其下白雲圍雨餘足稻梁可以信豐飢

去去道路遠王事母稽違

饒國吳氏晚香堂

大江秋侶練楚樹落清曉巖際不逢人翩翩數歸鳥
饒君庭宇靜澗水黃花繞爛錦照天朗繁錢承露小
何當鷓鴣鳴誤識春事了焉知歲寒姿獨立西風表
乾坤有清氣欲少未易少搖落莫春期美人烟霧杳
立秋日分司書懷

清晨鐘鼓鳴海角金氣應芳樹哀蛩歇凜節亦已微
如何向亭午毒熱尚吹旣是宜起居謬不與安養稱
逝川无回波駕馬少返乘簪髮耻虛名豈園激高興
飄飄百年內過者已踰躋強學而有成庶以道自勝

將赴江淞大府校進士試會疾止建安驛

後山東眺郡城作十二韻

青雲建安郡人物故鍾秀承旭開芳樹凌虛列遙岫
溪叢涌夜長石角吐秋瘦漁沙府畜讖仙室川浸溜
征塵汨炎毒服事弥奔奏淡淡鴻鵠舉蒼蒼鷹隼候
山英茗在淪館飯菘登豆勤渠相國誼忝窈大夫後
顧惟論賢能奚取推寡陋吾欲勅五丁雷電激宇宙
疾飛移万壑及此洗昏疾起為梅子真南厓掃丹白

送畚里麻廉訪使有序見文類

龍節猗皇皇六轡忽如流聖主命大吏出按東南州
東南何所有榕荔蔽山止深有險跋履淺有佳教游

綉衣闕庭戶法署若瀛洲提封憲令行霜日淨高秋
公來天為催公去海生愁渺渺衆庶望為我少淹留
郊亭接烏石楊柳蔭清溝鳥哢方睨皖花林復綢繆
吾聞古君子弗替進退憂昕朝正畜舊庶用慰忠謀
肇慶李知事會別至峽上阻風因以懷李
取別非云莫王事有程拘臨流逢執手復念野踟躕
季秋北風急遙遙別方臆出峽江始放迢迢波浪敷
仰天覺形全俯地會心娛整得珪組解樂與漁樵俱
撫事悉解后迴翔且須臾滿秩不受更竟行諒非愚

贈李兄提舉之官豫章

公孫閣下士多侶魯諸生昨者聞高誼茲行起盛名

文亭南斗近征旆北風輕余亦懷鄉郡今猶滯帝城
閩河驚半面霰雪念孤征芳宴絲簧咽新詩錦繡成
長途心果怯令節眼增明渺渺飢鷹度蒼蒼旅鶴鳴
露凝秋浦白雲散夕堂清是物閑流動何階計合并
會須縈桂檝相共覈尊羹徐儒亭前水因之幸寄聲

立春日和王翰林

北斗紅雲上西成皓雪邊歲華今若此宦味故依然
節籟荒冬後寒驅挾日先樓臺通帝極井散落人烟
登眺臨無際歡娛信有年客情閩外地農事庾陰田
只有傷弦促那能効履穿幾時歸櫟社盡日接芳筵
寶鼎昇平瑞金旛淡蕩妍透迤朱鳳集潇洒白鷗眠

遠業嗟何就高名賴必傳道雖沾世用意漫逐時遷
顧遇煩頻數欣榮頗倍千江湖萬里興爛熳百花前

寄福建杜廉訪使君

臬府群王表言官百世公君王咨稷高臺閣起黃龔
吳越聯閩服蠻夷偃漠風九州諸道右一柱衆流中
席豹精神肅豺狼道路通青冥行勁銳白日貫清忠
斧纘飄秋隼泉阿達夜蛩壺冰元自潔瘴雨不勞空
賤子嗟何幸微心誓盡躬望來方切切告別匪匆匆
祇為文科重尤慙祖餞隆客魂銷海鵠病骨碎溪蛩
謬敢辭王事私嘗泣老翁髮緣思母白顏每應人紅
倘俠彞倫薄其如祿養豐以茲三逕撫猶獲二天蒙

上幕刑雖間滄洲道未窮請將心萬疊寫入嶧陽桐

贈翰林宅山水圖

敏絕丹青手駟馳翰墨場力能移地軸藝直破天荒
素壁清風起蒼厓旭日光喬林支混沌巨石偃滄浪
鶴背夫容影牛頭薜荔香參差殊不謬奔峭亦非常
仙去遺真館人來倚釣航向知萬里近不費一生忙
擬乞丹沙洞長尋碧草鄉松喬如可及結友更何方
奉觀百官迎香輿出南郊

聖治尊皇極天章達紫微禮宜崇報祀時則重瞻依
吉日初蠲策因正肆太祈相君蒼玉珮卿士赤金圖
高管寒猶混清鞭畫漸稀合薌來北闕敷隊出南畿

夜雪洗洗過晨烟沈沈飛難叨惟帝澤獨敬在天威
禮樂寧元述奇教合有歸從知堯德大不外贊巍巍

和謝友人惠范君用筆

毛君好伯仲枉駕及東堂畫縛曾无竿蕪乱同行倍

有光欲飛隨燕上未化學龍藏盛賜懷璧斯文託

一芒姓名渾偶合潤色奈何當且效峨眉老題詩西

上陽

詠古


五言在王國安所雕琢工肇及蕪李輩猶復相冲融

往還離別者人情之所同正教始微茫與世狎汙隆

遂令天地產山川與雲風鬼神百物怪屈曲歸磨礪

卷一

卷一



止酒

大鈞播羣物壤壤勞吾生得酒足痛飲何用身後名
所以戒飲酒豈矯世俗情昨日足歡笑今日愁思盈
多見桃李花語亂作棘荆反以飲召歡何以忘虧成
靡穀漢詔切喪邦周誥明吳必宇宙內獨有屈子平

曉出西郊

自春已及夏歲籥寢中更平旦西郊道始聞啼鳥聲
川晴樹氣嘉夕露枝條盈西峰近在眼白雲夾路生
一從違夙昔好懷鬱難并未知高世意忽復何以營
屠狗與漁釣俱足成大名卓哉箕穎客使我抱深誠
登西山頂還方澗作

弱質有貞向依依在物表謬當城闕隘放意窮昏曉
晨興理良轡啓途慮已悄白日滿澗阿林虛奮鳴鳥
幽尋晚適遇頗覺知者擾俛仰古人迹達生未為少
緬彼高翔禽凌空自騫矯

秋江釣月

秋江明似鏡月色靜更好之子罷琴來蘿逕初尚早
衆峰更滅沒橫笛隔幽隄我船爾櫂歌絲綸蕩浮藻
潛魚却寒餌宿鴈起夜縞離離不可招白鷺下烟草
高風洞庭士俊業渭川老同是釣魚人那應不同道
把酒酬清輝如何奮穹昊

郡中即事十二韻

僂耳九州外邈然在南荒周回數千里大海以為壘
古來非人居禽獸相伏藏自從中世來貢賦登明堂
其或失撫馭山藪更陸梁聚則成蜂螳散即駝牛羊
高結舜大鹵上衣不備裳殺戮乃酬勸誅之仁者傷
吾嘗七八月持節泛滄浪一旬錄郡獄詢事攷纖芒
問之守郡人莫識為治方但見西風多解宇秋蕪長
聖哲戒忠信勿謂不足行及茲蠻貊邦始見斯道藏

出甘蔗州

清雨氣候變移船孤石根已行千里餘始驗初冬寒
暨解霧露毒稍知江山寬新人異言語故事同憂懼
思昔夏后氏封建天南端伯業起句踐世遠子孫殫

無諸佐大業遂作漢王官身受閩君策白日海澄瀾
至今崇臺上列戟絢衣冠古來樹名節於此事常難
惟有精英在青霄明羽翰

晚登南樓眺烏石九仙方山諸峯

自來閩中郡僑寓公宇偏身病縻服餌單居日如年
憲署歷三試愚庸寡所宣茲行臨辟道龜勉以周旋
日夕登高臺遙盼四山川山川亦云美宜與萬念捐
慈幃隔江闕稚子目娟娟連夜夢新堂嬉戲在我前
祿食無寸補遠遊何當還東風號陰澤此土候氣先
草木相衰榮已復爭碧鮮思及方春時買船向邵延
長歌蕩暄景吹笛玉臺烟行止欽聖訓義著良蒙篇

此豈不在人虛心以勉旃

四月八日訪閩粵王無諸古城遂至蓮花
峰下僧寺寺乃唐王審知祠

維夏氣清晏原藪樹籠蔥上弦適休暇游詠紫烟中
石澗演新流山苗含惠風肥苧膚隱白崇榴葉張紅
撫節警代謝未歸憂心忡承官鈔政術但覺祿養豐
句稽困日月始得始游驄觀看職何補庶望禪至公
遺止隱莎草廢剝在空濛而况塵境事斯理固有終
數日毒熱喜雨適立秋先三日也

夏未始炎毒沉憂坐匡牀起行无所之登高睇遐荒
問昔西風歸飄飄向何方往還不可期賴得天道常

聖主御大歷故可稽明堂粲粲白駱駝
念我伏遷次江海葉再黃旅懷抱焦火
思濯寒水鄉忽來浮倉雨爽氣吹衣裳
稻田已就獲晚種待新秧微軀亦易持
但願蒸黎康

新雨堦除花藥倍茂田里生意懷之欣然
情至有述簡諸作

久旱埃霧集間居寡高情微雨夜來至
滿庭花藥生長年憂里術退坐若無營
偶携一榼酒得喚故人傾念彼黽隸便
勞生在偶耕荐飢苟不熟何以供王程
幸天沛時澤食息日已寧繕性衡門下
寒飢無足驚苦熱懷楚下

苦熱不可極念此西南風誰云灝氣遠
乃在庭戶中我家百丈下井上雙梧桐
向夕集歸鳥未秋足鳴蛩自從別家來
江海信不通宛宛維桑思願從孤征鴻
夜夢白髮親歡笑携稚僮倚門望子歸
未歸憂忡忡東臯无良田何以待歲豐
盛年將稱意无為學轉蓬

觀錢塘上人墨蘭二首

蘭以此君子所貴者幽深黯然空谷中
遠為人所欽志士秉美德如玉復如金
篤實而輝光芳騫出喬林偶然為時出
節義凜森森下慙庶望上當君王心
功名無所累宿好在雲岑翰墨者誰子
妙年出江關翦須事浮屠游戲在雲山

時將騷臣意寫入尺素間嗟彼為形士長往不知還
其心猶有慕豈不薄茅管學古寧為人誠念脩已艱
聖哲雖異代詎云不可攀

明月幾回滿

明月幾回滿待君君未歸中庭步芳草蝴蝶上人衣
誰念同袍者間居與願違

蒼山感秋

蒼山秋意長池館靜而悶雨止脩竹間流螢夜深至
皇羲世云遠雅頌日凋弊舉手遏頽波誰識作者志
烏啼魯東門泗水不染袂後去三十年直可肩聖知
機閑繫風化詞語特細事月落閑虛簾坐夢古帝揚

眉順玉色盡發養生祕勿謂仙學難此道可立致

酬申屠子迪

碧月出海底挂在青天中美人如明珠滄波思無窮
身非千歲逢欲逐萬里風願純素衣託向孤征鴻

筠州東都遇雨

高林展夏綠杲日轉城岡四國金石流忽見飛雨涼
飄飄西北風亦復至我傍我行初涉旬去意已傍徨
親交苦滯留川陸阻長遠行雖有命期至詎能忘
宵分睇南星命僕戒川航豈無他方願且反顏舊鄉
舊鄉寧非懷吾生未渠央

贈宣掾蒲瑛還靜虛山房

掃地謝塵鞅坐誦聖賢書妙年陟府署復食猶休居
聞子進脩地花藥羅齊廬惟靜故能定有容當在虛
而虛乃非空養之貴安舒苟能充至理德業將有餘
子本西蜀珎西南散簪裾問知其方俗有苦輪華胥
教化本自然匪學故有初况彼嚴教敷封疆常晏如
清秋武昌郊氣霧夕開除誰能不重別執手以踟躕

遠遊

遠遊非吾志偶墮天一角去就亦有期寧能計今昨
料理貧居士守書負西郭清心見古初德宅甘寂寞
杜門坐春深綠竹解寒籜雖無清時賞幽意各有託
千載非長生松喬未足學烏知勾漏令不厭宦情薄

山中歸去來朝霞可以酌

述古

天下有大垣人自隱多岐任理忘息然何乃累吾私
元氣育萬物雨露豐悴之豐悴雖有恒還復係其資
強者固弗已弱者自有期向者橐籥中竟是誰設施
美哉唐虞聖至治以无為

范德機詩集卷之二

范德機詩集卷之三

五言絕句

題張古老騎牛圖

細柳官橋路騎驢不用鞭先生誠有道此去亦千年

題竹樹圖

老樹半垂葉疎篁斜露根若無煙霧隔應見石西村

秋江

烁生洲渚靜露下蒲荷晚忽憶釣魚時人家楚鄉遠

建昌小湖望廬阜二首

青雲覆疊嶽白鳥度平湖釣嶼夜來兩山深知有无

我懷貞練士多在巖谷陰惟有高林月長知望遠心
題二仙圖

明月萬山空溪橋暗路通不知何洞府終夕坐松風

絕句

障攤芙蓉競燈隨棹柳移繁星臨迫野踈雨過高池
江上打魚船有頭那无尾與卿相見時不望如魚水
鄉路西州是延平那向東片帆儂會使祇是怕隨風
水清灘自急蕩槳直湏人勸卿休恨水多為不知津
水如青銅鏡山色綠芙蓉中天明月上此處好相逢
看東亭新笋
問竹何年有親曾共歲寒昨傳新笋發扶杖繞林看

送別

為君垂別淚更向楊花側斗酒問離鴻幾時歸故國

燭夜

燭影夜侵墻松桂成行列鼓絕草虫鳴四山露華結

秋江圖

雲裏衡陽鴈網下武昌魚石門秋共遠江樹雨餘踈
芙蓉

芙蓉生石壁雲錦映青松那憶南州路歸船處處逢
五言律詩

鄴州城下晚泊與土人語及西方事平有喜而作

野闊秋無際，天空夕始涼。
漁船下浦急，奮火入雲長。
洲遠懷鸚鵡，山危指鳳凰。
成人新斂甲，垂老幸時康。

黃州道中

迤轉山仍掩，沙移圃自成。
蘼葭連水白，楊柳蔭門清。
無復論餘事，真堪了此生。
眼中陳仲子，九鼎一豪輕。

贈孫秀才

四海孫思邈，雲初復盛名。
白駒空谷遠，黃鶴大江明。
子去何瀟灑，人知盡老成。
特來容貴近，次第取公卿。

舍前龍骨樹

鴟夷籬落見誰種，此江津結榦多於葉。
成陰迥不塵，取材因惡刺。
感事撫長身，安得艱難際。
相從作四鄰。

百丈山中夜坐聞謹思將還憶甲寅入南
中正此日也十二月二十三日六首

近得雷州信，遙知弟姪來。
江山淹遠望，天地保疏材。
鄉為魚羹起，今寧馬豆猜。
殘年有心事，未定着寒灰。
欲雪翻成雨，何天恰吝情。
似緣春在近，故與月爭明。
谷樹行行暝，川雲冉冉輕。
往年當此夕，孤棹遶南征。
歲月嗟匏繫，乾坤信梗浮。
蹉跎逐越鳥，迂闊問吳牛。
正道曾无弊，旁觀各有由。
聖人如可起，吾欲詰東周。
飲谷驚風合，空堦隊鳴燈。
昏時作暈漏，遠不傳更。
但得林間趣，何須谷口名。
是誰超物外，不用計浮生。
往備清華賦，寧知獲落心。
槐街春日盛，杏省午烟深。

出試終何補還歸敢自任
祇慙山澤吏空受二毛侵
客行身萬里家在地中分
爵命優臣子江湖遠聖君
夜瞻龍鳳氣歲出帟狼群
舊故無消息低回瘴海雲

壬戌秋錄囚晚行寧州道中追錄

曉發高平鎮前旌路未分
小橋煙外過流水月中聞
帟豹宜多隱豺狼不可羣
居人敵炎暑報有竹連雲

寄題嚴氏樊川別墅二首

先生天下士小飲郭東村
甃水緣開迳楹山對掩門
土風寧近落川姓不離樊
樽俎心雖間衣冠口已喧
亦欲西流去相尋素滄邊
多因百年術少見一人傳
生事空芝朮心期托蕙荃
明當詢大藥畏子不論錢

數日跋涉泥淖至北山始霽
暮經鄱陽湖川路遠長林
歲窮千里心賈舟栖港迳
樵火出迤深欲雪應消瘴
因風忽解陰轉移足清景
難受客愁侵

寄謝董簡卿

高人北海下遂與世情踈
悵望九霄鶴携持千里魚
風雲今迹只泉石後何如
詔讀須中密無疑未見書
步畦

白髮榮中將清晨步菜畦
祇言無所事寧復有相携
日靜聞禽語泥融散馬蹄
讀書不解俗猶自負幽栖
引兒灣晚泊

席壓波心正舟移岸脚斜
夕陽明細霧秋樹擁荒葭

問道獨如夢懷京却勝家客愁不自整更苦暮啼鴉
秋雨寓舍酬會夏編脩四首

亂竹通鄰舍脩梧限掖垣日長惟有雨秋半祗如昏
野色愁俱破河流畏更渾惟應好僚友孤寡義彌敦
左丞京下宅大半貯蛩螢容曳栖烏地披爭卧鹿場
幾時衣定暑昨夜酒生涼太息時人語依稀不可莊
平生談笑口未是向人慳直以朋友內難為伯仲間
陳君元下榻賀老自懷山見謂前脩事因之一破顏
倚巖推許遜負水揖文簫萬里初鄰並長年此寂寥
不要麟閣畫虛累鶴書招同是西江客君當結夢樵
九月十四日過紫極宮熊道人房

曾軒俯江竹歌枕對連山雨止烟霧集洲回鷗鷺閑
紫霄行有逕白日戶無閑但見空中侶飄飄不可攀
九日諸生携酒至城東看菊

楚楚臨堦菊重陽特地開慰人良有意報汝愧無才
巷杵聞雞發鄰觴送蠨采采英吾欲寄悵望倚江臺
閱除目仲淵宣慰傳之廉副俱出山南暑
夕有懷無由傾倒

舍下初秋至明月出雲端清輝延細竹爽氣集幽蘭
江漢不容越方舟逝良難瑤琴誰起坐中宵為我彈

題山居圖

平湖含白水斷岼見青林籬落初秋氣雲山向夕陰

養閒祇用拙避俗更懷深為問舟中客何如澤畔吟
社前七日作

久早春始雪社寒猶未妨沈沈鶯待木語語燕歸梁
靜想親交絕儀求旅處臧以身觀萬物應繫末輝光

奉訊浦編脩

聞君踐馬厄詩賦日應多但倚文為命焉知病是魔
蒲萄深巷雨菡萏遠湖波未始無相憶經過奈礼何

送譚殷卿歸徽州

送君從此發何日到徽城以是夕螢亂况堪秋鷹鳴
行藏無定策仕養最關情見誦覃懷守名家舊有聲

題贈李右丞

恂恂李右轄行義古人期緩急倉公傳勤勞衛母詩
滄波大地轉白首老天知莫寫青田鶴鳴皋重我思

晚過孔奉常舍下

滄江一萬里書信近如何向暮客懷薄及秋鄉夢多
故人相慰藉並舍數經過但願長無事彤庭持珮珂

悼遠用友人韻

采江莫采蘋思食莫思尊間歲曾為客經時獨夢人
林園花動夕帷帳草留春萬里燕山路空懷涕泗頻

酬孔太祝

蘓郎懷印綬不計弊貂裘一去青山下三年白露秋
関心悲地隔涉患見天游笳管深無那看而動戍樓

贈別朱生為南海醫教得問字

拜命辭中闕鳴簫下南郡天晴木葉空江暖梅香近
解鐸風成陣開堂月生暈欲酌扶胥碑移船定相問
贈別李教授亭赴五羊先往餘饒覲省
行色動西風鄉心去住同諸生五領外之子大江東
且羨還家鶴無愁度海鴻若逢天上使書記莫匆匆

贈別徐教授之欽州二首

徐子雅好易白頭來上京如何懷遠檄竟往教專城
山近煙霞密江澄瘴癘清朋游政事少况在仰脩名
冉冉歲月莫悠悠閑塞長歌鐘凝旅宴舞袖拂征艎
到日梅花亂來春蕙草芳南金自昔重寄贈可能忘

移居東城

移居古城喬桑竹似村墟已謂丹霞近無嫌白日疏
天晴時見鶴池淺尚通魚賴有知心者過門亦下車
十二月五日雪會傅淵道

薊門臘月雪初似楚南寒祗悅年光盛寧愁旅宿單
濡毫思謝眺掩戶憶袁安昨暮瀛洲暑應當策馬看
王繼學晚過舍下翌日惠詩兩章用韻會賦
平生病太史淺陋愧曹邦自足封函谷聊須壘受降
黃鐘和知寘白璧動成雙天外誰招得清風滿入窗
客居惟所適不是遠時人聞喜池臺僻來依第宅新
月涵鍾警夕風引釀生春頗得過從樂相看莫厭頻

和二章已而徵者適至戲用韻為再疊云
久客歲云暮悠悠念異邦病因詩整愈愁為酒先降
屋隱踈篁半城依老樹雙晨朝有好鳥命我隔東窗
頗恠君家使徵求太迫人從知心匠苦况復物華新
輟夢天開夜思歸水墅春縱無青玉案寄贈莫辭頻
用韻報李宗明

李侯持重器隱若一雄邦敵至嬰城守威行走傳降
薰絃須知五古劍宵埋獲見說研朱地車轂繞碧窗
古來輦轂下不畜隱淪人况有龍門舊寧無獸錦新
江山政如畫松柏自宜春可是東城曲過泛步屨頻
送張月梅

臥病空山裏君來起素秋叩門驚遠字扶杖揖清流
潦倒炊梁客從雍樹橘侯偶同螢夜語行李又何州
三月二十三日雨中示諸生

後園僧寺裏聞有蜀葵花好趁今朝雨移來向我家
編籬雖待菊引蔓盍藏衣總在經營力秋成莫浪誇
贈別李太祝還廣平省親

六祝周遺禮千官漢盛儀聲名無此達少壯任君為
孤戍程雖迫萱堂拜恐遲都門四月別愁殺萬黃鸝
贈會吳二奉禮

新詩奕風雨感謝老兵來藥圃昏長樹柴門靜古苔
妬晴鳩狎喚怯冷燕頻回解說銷愁事何由斷酒杯

登南城樓

樓倚晴空外登臨延賞心微風孤鴈過落日萬蟬吟
客路侵齊樹鄉愁接楚砧為詢宮外筑流水侶哀琴
寒食後百丈山夜坐

已新寒食火更近暮天鍾花片隨風減柴扉帶月重
以閒酬宦達將病抵心慵本不從畊稼臨江愧老農
月出

清楓起夕陰明月出高岑達識衰榮理深齊去住心
夏虫先振砌昏鶴未休林不有詢竒字應誰載酒尋

山壽生日

見爾開三歲堪余謝一官常憐為子重更念報君難

曷日勝裘馬于天學鳳鸞終當慰老眼空闊萬人看

九月二十八日濟上作

昨日立冬雨內河中夜雷晨興猶未定震懼忽如摧
衰柳並寒在早梅何處開飢年方禁釀不飲稱無才

快閣延望

快閣延江望清尊息坐彈風鷄猶戒曙雪鴈每辭寒
莫使晨歌廢聊思飽食安百年會有故終不愧儒冠

題秋山圖

我愛秋景好自緣秋氣清江空石露骨木落風无聲
偶向畫中見猶如雲外行祗疑豺與虎無地得縱橫
正月三日大雪

大雪生何處飛來應早春清寒微著物光霽亦宜人
日月雙吟鬢乾坤獨病身濁醪差可近祇為有天真

康大監善慶堂

大府聲名舊京華有此堂棟梁深盡制花竹淨分行
世美尤當濟身名賴必揚自公常退食把易細焚香

九日和危太樸見貽

年年江海上飲菊對重陽又復茲辰至都無少日狂
遙峰栖戶碧敗葉擁池黃只有長生事于今墮渺茫

九日簡危太樸

疾風吹細雨忽忽過陰厓久喜江山靜新增節序佳
秋聲連迥野冥色起高齋自得論文侶中年有好懷

夏夜登後亭

縣酌羣山置亭因古堞安幸无多檢校於以小盤桓
潦倒淵明釀淒涼子賤彈杖藜聽夜鶴世慮苦無端

湖上值雪

農事傷下澤官曹限窮年崎嶇盡所歷繾綣何由宣
牕明變松雪室冷延山烟少歲守恬淡未敢輕棄捐

貴州

離思久不愜幽情晚旋添天宜明月獨山與宿雲兼
蛩語通支柱蛛絲映卷簾若無光霽在何以破朱炎

發橫浦之永淳縣

急漿開唇漲孤尊已夕陽木光排峽靜洲勢背城長

太史才無敵將軍義不忘感傷今歲月淹泊愧滄浪
寄劉傅之

故人去南海已度百花時萬事須重到孤舟何太遲
雲迷帝子渚月過伏波祠幕府文書省來須慰我思
晚至沙塘

風雨病婁涉煙山知幾重平湖番近服大邑艾遺封
受粟常慙吏看花正閔農周原已遍度明旦復何從

三月十一日遣家人還舍奉侍值雨十四

日值晴作

具船聞解纜想象係朝昏到日初收雨沿流定達邗
初生南澗藻好近北堂萱載感飄零意清江是故園

古木

誰擘蒼煙破依稀露老龍偶違風雨會遂感雪霜蹤
飛動閔元氣沉潛見物宗何階韋偃伎千歲此相逢

贈別韓德卿歸安西因候蕭司成

十年閔隴道文學老貂裘久別重相見相看更自愁
早膺朱紱寵暫為白雲留寄謝蕭夫子巖栖向幾秋
寄宿維揚驛寄懷王儀伯

水墅見明月遠隨歸棹圓故人在郡國今夜隔風煙
何日徵河內常時誦潁川經過因念此書信賴流傳
題靖節徵士歸來圖

維公楚杞梓作令晉衣冠得志但恐暮濟時非所難

古今絃韻寡歲月酒杯寬渺渺山中去深深畫裏看
題吳生兩吟圖還寄清江皮野

江雨四時昏故人家遠邨如何一見面還又兩忘言
老樹經蛟淚空花斷鴈魂由來前日畫妙手出吳門

東齋秋雨後花藥具有生意

田園雖尚遠未宥効淒涼藥就篤成蔓花因選作行
豈惟延晚趣自足信年芳頗敬鄰人婦駟雞不過墻

病中

世故只如此予生今若何不憂新食少但喜好詩多
野鶴來濠上山猿落澗阿平時朝夕者經歲不吾過

哀文集賢時奉使南海道并

瘴海距天關道踰千萬山空傳靈雨送不見使星還
旌旆青楓暗樓臺白水間郡人唯我最遠客泪潺潺

贈葛推官

五罰從容至羣生阨塞多但无為已甚勿問達如何
早讀于公戒終傳召父歌故人風雨節為我數經過

張別駕山居產玉芝

高秋別駕宅異草吐竒芬為爾掇白雪服之乘紫雲
但恐仙靈物長遮帟豹羣待棄人間事先報赤松君

贈別李全

士以才名重君猶梗槩先問關百年道浩蕩九春天
不為歌彈缺還尋與酒錢古來自如此相問澗西田

奉寄高郵李使君

題詩報使君春遠楚江濱
刺水龜鼉窟底空
鴈鷺羣朱旛臨野日
翠袖繞山雲
早晚金鸞召
風流許細分

晚興

古寺山重掩平田
縣對門鷓鴣藏
白晝蟋蟀破黃昏
貝賈多通市
蕭倫每近村
殷勤省風俗
慷慨動心魂
澄邁縣有蘓內翰
所題通潮閣在海上

候館駐征騎
西風獨夜清
開門聞葉落
倚杖看潮生
有禮齊蠻俗
無歌學楚聲
淒涼蘓季子
行處足高名

將行值暴漲

雨後巒山漲
來從五指原
風橋初沒馬
到縣已侵門

甚欲乘槎去
還思棄佩言
輕身犯南斗
信有北溟鯤

詠荔子

思歸江路永
荔子幾時丹
祇念違親久
何愁待爾難
園林有專美
霜雪莫留寒
記得珠厓道
長吟立馬看

細雨

細雨沾墻竹
輕風散檻桃
幕分流水靜
樓杭遠山高
但長琴書癖
寧知案牘勞
趨朝未覺懶
興味屬吾曹
和謝梁內舍過訪

承聞招隱處
獨占萬山清
乍見心如醉
多憂眼遽明
薦遺唐四岳
道付魯諸生
欲理尋幽事
唯妨夜鶴鳴
河口

神女大河口逸人陰洞中船鳴谷雨浪門掩荔枝風
鶴鶴行相背烏鷗宿自同為於百年內試問鹿皮翁

晨至西郭池亭見新荷有感時物而作

虛亭結構美驛路帶垣斜山薌含晚翠池響集春蛙
官荷已偃蓋僧蔬欲架花俛仰賓從後孰與測幽遐

三山對月懷山壽

豫章千里月漸解向天高安得山兒惠能知海客勞
榕城咽韻鼓竹館淨香醪何日書帷下清輝映鳳毛

晚上南山觀燒

渡口向寥閭夕暉生翠屏隨風初繞電翳霧忽如星
鳥獸蒸宜遯紫荆照不迥閩都春始過雨洗合重青

庭草

為愛庭中草經春坐不除澄心皆淨域履道即安居
海氣含樓閣年光映簿書昔人傷廢事作吏竟何如

昨游

昨游居士澗春入羽人止面面山相引年年水自流
乾坤雙蠟屐江海一漁舟知我能來否啼鶯去後留
雪觀雨後對薜老峰

高閣飛雨過新涼連海隅竹溪魚板集松寺鶴巢孤
吏隱非魚得登臨適自娛盛名蘓季子猶是老征夫
京下思歸

黃落薊門秋飄飄在遠游不眠聞戍鼓多病憶歸舟

甘雨從昏過繁星達曙流鄉逢徐孺子萬口薄南州
延平西峽

巨浪劈山傾孤舟與浪爭逆飛天地肅捷出鬼神驚
至險追前載終身願太平不然忠孝理值此各何情
次韻曾五判官

磊落將軍石周游太史遷世人寧見爾我輩故超然
膽急投豺地神銷過鵠天祇今誰可語壯志必同年

贈顛叟僧別二首

問子家何在名山越樹春來游萬里道去作五臺賓
乞食寧忘祿行歌若有神曾逢陸脩靜招入社中人
未是真顛者能顛故有餘試畱吳郡草為報揭陽書

帶日辭銅馬投雲聽木魚南歸定何日白象守林廬

送施處士還東溪

東溪子故物歸去一身輕樹曉雛鶯坐沙晴乳鹿行
乘舟不盡興罷釣忽忘名憶我南山下蘼蕪繞舍生
期出東郊不果却率便河閘橋詣張道人
菴尋故舊作

却欲東郊去還尋北渚來江翻垂木動風過襍花迴
旭道迷朱轂虛空見紫臺世氛渾不奈憶得是蓬萊
閱友人壁間詠有懷舊游

謾說經行處雲邊第二春石林投倦客畫壁跋高人
迹與風鵬轉心無野鶴親平生許玄度自此白頭新

和季溉之園居集詠八首

書劍上青霄，鄉閔雨雪遙。年華侵水竹，客思墮山苗。
會想商巖綺，將從鄭里橋。文辭誠小伎，祇比俗情饒。
豈是幽棲地，飛騰亦未量。城根分鼠壤，池面合魚梁。
名久喧郎署，歌時感女桑。畏卿音調苦，疇復貴相忘。
圃色依簾障，天光切戶庭。草生連夜雨，花落滿池星。
未遂翔寥廓，真堪託晦冥。逢時須紫燕，得意拂青萍。
亦欲依家耳，衡門斗極邊。鄉心徵化鶴，宦迳貼飛鳶。
白日拋書送青山，拂檻延風流。自無已憶上五湖船，
都無京國意。滿眼舊生涯，壁隱磴硿木。龜蒙婀娜花，
善鄰垣故闢。愛客酒能賒，皦皦荒途子。音期只爾遐。

偶從畊鑿事，便有古人風。井瀉千畦碧，林然獨杏紅。
世情何近遠，官秩自卑崇。任道流行意，零壇或與同。
磊落人間士，名成定不虛。願陳元有策，交薦可無書。
莫遣從師苦，因將作吏疏。吾徒豈念此，愧盡馬相如。
丹柰花初結，朱櫻子半成。寢興因物變，筋力與年增。
燕拂承塵去，蜂隨曳杖行。玉泉幾千仞，好在翠如傾。
重過太傅忠憲王園林

一代王章寵于今，勝地非野池。花自發春日，燕爭飛
坐送笙歌密，衙迎劍佩稀。頗榮遊子騎，脩景澹忘歸。
登覺山寺

遠見浮圖頂，遂巡及寺門。此行如有待，何地更无喧。

山背斜陽惡泉侵落葉渾

委臺殿多是賜金幡

種瓠二首

或言種瓠蔓長必剪其標乃實予齋所種因樹為架蔓緣不已果多虛花欲去之慮傷其凌霄之意因賦五言為之解嘲云

豈是階庭物支離亦自竒已殊凡草蔓綴得好花枝帶雨寧無實凌霄必有為啾啾羣鳥雀從汝踏多時秋後瓠果成一實輪囷可愛余嘉其晚成

而不羣會賦云

嘉瓠吾所愛孤高更可人不虛種植意終繫發生神有葉誠藏用無容豈識真明年應見汝衆子亦輪囷

六月菊

蕭然故可愛况在五侯家未到三秋節先開萬點花風霜寧未熟歲月自云賒慙愧青松幹昂藏照壺沙

藏簡孔太祝

人間最好日祇在菊花前頗怪來今雨相看語後天門階銷俗客冠佩切飛仙願約秋風住長年泛酒船送劉脩撰赴湖南提學任

久淹詞館寄新奉璽書還白髮臨漳水青雲動楚山文稱一道重政類百司閑設有湘南騎因之解別顏寄李彥謙御

古燕城下路柳樹落西枝每到重來處長憐欲別時

鶻飛平照急鷗集遠烟遲此去秦州什應須寄我知
寒齋對雨書懷

冬煖久不雪天分雨破顏依稀才洒戶慘淡欲連山
垣屋重重密壺尊獨獨慳烏知魏闕士隱與吏相閑
客至

客至冠纓好殊非舊友生曉晴霜太重冬煖日偏明
覺我肌膚弱興言感慨并子雲工賦述切莫論公卿

詠梅和陳城南

我亦吳頭客年年念遠梅孤根元自植冷蕊為誰開
因覩城南詠深思嶺表來北人盆裏看應不近蒼苔
守歲詠懷次韻

大年在今夕旅爵記前除時序無閑事江湖少定居
燭花分坐委漏箭落城踈底復窮廬嘆人生各有初
送貢仲寔還江西

送行何太頻日日見行人又復風霜節相違旅病身
浮名非甚急遠意獨難信念子閑勞苦題詩莫待春
題友人山居

游居展靜好盡日有高情竹下流泉過花間時鳥鳴
因人問藥裹要我罷琴迎本自無知者山林頗近名
林尊師招不果就別

甚欲摳衣去仍煩折簡呼竟孤林下約還想市間壺
野館侵濃樹春波亂嫩蕪看雲解榻意秋露近玄都

野望

思遠卑棲地憑高獨望辰
峽雲低度晚野水淨含春
語鶴關梁迥歸鴻歲月新
不堪回首處橫笛倍傷神

游招提

勝地相從日應無俗客
蹤春花濃夾騎畫樹靜藏鍾
妙理端深得佳游亦漫逢
伶渠絲與竹筋上見西峰

送白湛作尉金溪

離思已無極尊前况夕曛
閉門六月兩行李萬重雲
遠祿年雖壯名家代不群
縣人迎主簿應似大浮君

盧師東谷懷城中諸友

契闊遠如許淹留空復情
天遙一鶴上山合百鳴

異路嗟何適冥栖得此生
平居二三子今夜隔重城

送鄧慶長衍從宦吳中

聞說吳中郡青山萬疊開
雲霞通井邑水木映樓臺
子去嗟何恨吾生念却迴
辛勤官下養書記合頻來

正月三日海子泛舟

曉日明如苗春波凝不流
浴鳧浮斷梗過鴈折危樓
頗敬吳兒狎何傷楚客囚
沙邊小楫初尉玉京遊

送雲知事赴餘杭

一舸發春瀨涓涓沙鷺明
官煩南郡佐禮重北城迎
海浦潮聲暗山城日氣清
宗卿懷故椽蚤晚薦高名

暑夕

煩暑不能寐望鄉憶宵征開門海月白高枕林風清
不飲畏投轄將歌思濯纓誰家橫短笛吹盡楚閨情

七夕詞

天上新秋節人間巧夕詞不成兒女笑空負歲時悲
璧月當軒墮銀河帶闕垂低頭愧烏鵲寧為遠南枝

和巽初得子

喜事平安使家書遠見貽正愁行路子新得稱家兒
白璧無勞羨青雲日與期庭階人事意眼冷念含飴
離席合賦贈南劔教授盛復之之官凡首
盛君江海士直氣軋霄崢翻為詩書苦烏知印綬榮
度遼曾萬里走越更千城便是來難得鄉閨近慰情

首路向朱夏出閨猶到官麥收風張暑梅熟雨留寒
氣候隨方異才名自古難豈容賢若爾教授老江干
江浦見黃鸝石榴花滿枝欲攀猶屢惜已去復何疑
蚤畏紅英亂還當絳帳移驛程動易隔留待寄相思
娟娟沙尾鶴毛羽映江鮮去住長如此飛鳴豈偶然
仙家應汗漫侯泮莫流連憶得東門事須君正壯年
閩南荔子熟問客倘能來豔為諸生屈寧傷獨茂才
雲飛絕塞雨過行平臺賦就新詩別扁舟且莫催
昔向遼東郡長歌覓管寧此行無贈策故事有談經
豆寔登朱荔紅光照紫萍龜山文物在未用嘆凋零
躍馬問入郭解龜聽報衙江沙侵細竹墻蔓覆踈花

政不離書閣吟情上釣查有懷當皓月玉署聽啼鴉
碧草津頭郡雖偏是勝遊野人頻識劍穉子亦能弁
稍定傳衣怪聊資官秩周南來記風物有待細詢求
杯酒莫停手路長思八閩精靈深狎容瘴霧薄侵人
海近漁船集山空鳥道鄰來京書一束賴尔老隨身
黃帽催辰發郵籤報旅程遡風斜帽舉虛日亂弦鳴
異俗從誰變真才不自成倘於高第內歲久得歐生


奉寄淮東憲孔知事二首

日有烏臺使因君問合肥熊章官不食席略幕中威
易政聽時報交深念日遲知音偕上列湏假綉為衣
昔在東門別相離數歲星一官何委折萬里獨飄零

楚樹春頻落燕雲晚自停幾時淮浦月仍與共揚零
遣懷

柳影侵門暗桃枝亞竹高年深詩並進春在酒爭豪
吏隱嗒何擇行藏信所遭斯文如未喪端合付吾曹

范德機詩集卷之三



1852/15

111

程